

ՀՀ Քննչական կոմիտեի այսուհետ՝ Պատվիրատու, ի դեմս գլխ. քարտուղար Ա. Նիկոյանի, որը գործում է կանոնադրության հիման վրա, մի կողմից, և «Գազպրոմ Արմենիա» ՓԲԸ-ն, այսուհետ՝ Կապալառու, ի դեմս լիազորված անձ Մարտունու ԳԳՄ-ի տնօրեն Ա. Խաչատրյանի, որը գործում է «Գազպրոմ Արմենիա» ՓԲԸ 29.12.2020թ. N 01-38/5532 լիազորագրի հիման վրա, մյուս կողմից, այսուհետ համատեղ կոչվելով Կողմեր, կնքեցին սույն պայմանագիրը, այսուհետ՝ Պայմանագիր, հետևյալի մասին.

1. Պայմանագրի առարկան

- 1.1. Կապալառուն պարտավորվում է Պատվիրատուի առաջադրանքով կազմել ՀՀ Գեղարքունիքի մարզի Վարդենիս քաղաքի Վ. Համբարձումյան փողոցի թիվ 47 հասցեում գտնվող՝ ՀՀ քննչական կոմիտեին ամրակցված վարչական շենքի գազիֆիկացման շինմոնտաժային աշխատանքներ, այսուհետ՝ Աշխատանք և դրա արդյունքը սահմանված ժամկետում հանձնել Պատվիրատուին, իսկ Պատվիրատուն պարտավորվում է ընդունել Աշխատանքի արդյունքը և վարձատրել դրա համար:
- 1.2. Աշխատանքը կամ դրա մասը համարվում է կատարված Պատվիրատուի լիազոր ներկայացուցչի կողմից համապատասխան հանձնման-ընդունման ակտը ստորագրելուց հետո:

2. Կողմերի իրավունքներն ու պարտականությունները

2.1. Պատվիրատուն իրավունք ունի՝

- 2.1.1. ցանկացած ժամանակ ստուգել Կապալառուի կողմից Աշխատանքի կատարման ընթացքը և որակը՝ առանց միջամտելու վերջինիս գործունեությանը,
- 2.1.2. Աշխատանքում թերություններ հայտնաբերելու դեպքում Կապալառուից պահանջել (5)-օրյա ժամկետում անհատույց վերացնել դրանք և հատուցել Պատվիրատուին դրանով հասցված վնասները,
- 2.1.3. Աշխատանքն ընդունելուց հետո՝ 5 օրյա ժամկետի ընթացքում Պատվիրատուի աշխատողների կամ այլ անձանց կյանքին կամ առողջությանը վտանգ սպառնացող թերություններ հայտնաբերելու դեպքում, պահանջել անհատույց վերացնելու այդ թերությունները կամ հատուցելու իր կամ այլ անձանց ուժերով թերությունները վերացնելու կապակցությամբ կատարված ծախսերը,
- 2.1.4. մինչև Աշխատանքի արդյունքն իրեն հանձնելը ցանկացած ժամանակ հրաժարվել Պայմանագիրը կատարելուց՝ Կապալառուին վճարելով մինչև Պայմանագիրը կատարելուց Պատվիրատուի հրաժարվելու վերաբերյալ ծանուցում ստանալու պահը կատարած Աշխատանքին համարժեք գին:

2.2. Պատվիրատուն պարտավոր է՝

- 2.2.1. պայմանավորված գինը Կապալառուին վճարել Աշխատանքը սկսելուց առաջ 5(հինգ) աշխատանքային օրվա ընթացքում:
- 2.2.2. Աշխատանքում թերություններ հայտնաբերելու դեպքում՝ այդ մասին անհապաղ տեղեկացնել Կապալառուին:

2.3. Կապալառուն պարտավոր է՝

- 2.3.1. Աշխատանքը կատարել Պայմանագրի 4.1 կետով սահմանված ժամկետներում,
- 2.3.2. Աշխատանքը կատարել առաջադրանքին, նորմատիվ իրավական ակտերի պահանջներին և Պայմանագրին համապատասխան, պատշաճ որակով, իր ուժերով, նյութերով, սարքերով, բացառությամբ այն դեպքերի, երբ նյութերը կտրամադրվեն Պատվիրատուի կողմից
- 2.3.3. Աշխատանքը հանձնելուց հետո, երաշխիքային ժամկետում՝ 26 ամսվա ընթացքում, Պատվիրատուի պահանջով 7-օրյա ժամկետում անհատույց վերացնել բոլոր բացահայտված թերությունները,
- 2.3.4. Աշխատանքի արդյունքը հանձնելու հետ մեկտեղ Պատվիրատուին տեղեկատվություն հաղորդել Պայմանագրի առարկայի շահագործման կամ այլ օգտագործման վերաբերյալ, եթե տեղեկատվության բնույթն այնպիսին է, որ առանց դրա անհնար է Աշխատանքի արդյունքն օգտագործել Պայմանագրում նշված նպատակների համար:

2.4. Կապալառուն իրավունք ունի՝

- 2.4.1. Պատվիրատուի կողմից ՀՀ օրենսդրությամբ և կամ Պայմանագրով սահմանված իր պարտականությունները չկատարելու դեպքում հրաժարվել Աշխատանքը կատարելուց,
2.4.2. Պատվիրատուի համաձայնությամբ Աշխատանքը ավարտել Պայմանագրով սահմանված ժամկետից շուտ:

3. Աշխատանքի գինը և վարձատրության կարգը

- 3.1. Պայմանագրով կատարման ենթակա Աշխատանքի գինը սահմանվում է 178555 (մեկ հարյուր յոթանասուևութ հազար հինգ հարյուր հիսունհինգ) դրամ, ներառյալ ԱԱՀ-ն:
3.2. Պատվիրատուն Պայմանագրով սահմանված վճարումները կատարում է անկանխիկ՝ բանկային փոխանցմամբ:
3.3. Պատվիրատուն Կապալառուին վճարում է կանխավճար Պայմանագրի 2.2.1. կետով սահմանված ժամկետում, իսկ հաշվարկային փաստաթուղթը դուրս է գրվում Կապալառուի կողմից աշխատանքների ավարտից հետո, հանձն-ընդունման ակտը կազմելուց հետո:

4. Աշխատանքը կատարելու ժամկետները

- 4.1. Աշխատանքը կատարելու սկզբնական ժամկետն է 04.02.2022թ., իսկ վերջնական ժամկետը 04.03.2022թ.:
Կապալառուն պատասխանատվություն է կրում Աշխատանքը կատարելու ինչպես սկզբնական, այնպես էլ վերջնական ժամկետները խախտելու համար:
4.2. Պայմանագրի 4.1. կետում նշված Աշխատանքը կատարելու սկզբնական և վերջնական ժամկետները կարող են փոփոխվել Պայմանագրում նախատեսված դեպքերում ու կարգով:

5. Կողմերի պատասխանատվությունը

- 5.1. Աշխատանքի կատարման ժամկետի(ների) խախտման համար Պատվիրատուն իրավունք ունի պահանջել Կապալառուից վճարելու տույժ կետանցի յուրաքանչյուր օրվա համար՝ Աշխատանքի գնի 0,1%-ի չափով:
5.2. Պատվիրատուի կողմից պայմանավորված գինը սահմանված ժամկետում չվճարելու դեպքում Կապալառուն իրավունք ունի պահանջել Պատվիրատուից վճարելու տույժ կետանցի յուրաքանչյուր օրվա համար՝ Աշխատանքի գնի 0,1%-ի չափով:
5.3. Պայմանագրով իրենց պարտականությունները չկատարելու կամ անպատշաճ կատարելու համար Կողմերը պատասխանատվություն են կրում ՀՀ օրենսդրությամբ սահմանված կարգով:

6. Վեճերի լուծման կարգը

- 6.1. Պայմանագրի կապակցությամբ ծագած վեճերը լուծվում են բանակցությունների միջոցով:
6.2. Պայմանագրի 6.1. կետի պայմանը չի սահմանափակում Կողմերի իրավունքը՝ վեճերը լուծելու դատական կարգով:

Եզրափակիչ դրույթներ

- 7.1. Պայմանագիրն ուժի մեջ է մտնում ստորագրման պահից և դադարում է պարտականությունների պատշաճ կատարմամբ:
7.2. Պայմանագրում բոլոր փոփոխություններն ու լրացումները կատարվում են Կողմերի գրավոր համաձայնությամբ:
7.3. Պայմանագրով չկարգավորված հարցերը կարգավորվում են ՀՀ օրենսդրությամբ:
7.4. Պայմանագիրը կազմված է հայերեն լեզվով, հավասարազոր իրավաբանական ուժ ունեցող երկու օրինակից, մեկական օրինակ յուրաքանչյուր կողմի համար:

8. Կողմերի հասցեները, բանկային վավերապայմանները
և ստորագրությունները

Պատվիրատու

Կապալառու

ՀՀ քննչական կոմիտե

Իրավաբանական հասցեն՝ ՀՀ ք. Երևան
Մամիկոնյանց 46/5
Գտնվելու վայրը՝ ՀՀ Գեղարքունիքի մարզ,
ք. Վարդենիս Վ. Համբարձումյան փ. թիվ 47
ՀՎՀՀ 02631263
Հ/Հ գործառական հաշիվ
հեռ. 011.88.01.03

«Գազարոն Արմենիա» ՓԲԸ Մարտունու ԳԳՄ
Իրավաբանական հասցե՝ ք.Երևան, Թբիլիսյան
խճ.43
գտնվելու վայր ք.Մարտունի, Գ.Զիրոյան-51
ՀՎՀՀ 00046317
Հ/հ 2476603132290000 «Արդշինբանկ» ՓԲԸ
Մարտունու մասնաճյուղ
հեռ. 0262 4.01.04

Գլխավոր քարտուղար

Ա. Նիկոյան



Տնօրեն՝

Ա. Խաչատրյան

